

Gyoengqde Caiq Hix Mbouj Doxceng Lo

它们再也不争吵了

□ Vangz Gozgvanh / 黄国观

Ngoenz ndeu, bak fwngz da sam boux doengzcaez youq, gyoengqde yied gangj sing yied sang, mbouj geijlai nanz, nauh daengz mbwn fan namh loemq lo.

Fwngz hujdengdeng gangj: "Sou boux he ngamq rox gwn, boux he ngamq rox yawj, gij haemz gij hoj cungj dwg gou deng." Bak caeuq da dingq le mbouj doxyaeng couh doengzcaez naeuz: "Yienghneix cungj dwg vih mwngz ne!"

"Vih gou?" Fwngz engq huj lo, "vihmaz mbouj bang gou guhhong?" Fwngz dingz mbat ndeu, sing haenq gangj bak: "Cungj heuh gou dawz daeuj hawj mwngz gwn, cengqek maz ne?"

Bak dingq le hozndat ndaej gangj mbouj ok vah.

Da raen gijneix, doq da daengx cim coh fwngz gangj: "Mbouj ndaej yienghneix ndaq daeggo bak! Mbouj miz de, mwngz caeuq gou doq mbouj ndaej lix bw!"

"Bi!" Fwngz youh ndaq hwnj-daeuj lo, "mwngz bang bak cengj maz hwet, di faenx he ciemq mwngz, hix heuh gou bang mwngz buen deuz,

vihmaz mbouj heuh daeggo bak bang mwngz? Baezlaeng, mwngz dawz haeux hawj de gwn, de bang mwngz buen deuz gij faenx, gou mbouj dam sou lo."

Da baez dingq couh gienq naeuz fwngz: "Mwngz gangjriu couh baenz, gaej gangj dahraix bw! Raeuz gak boux bonjsaeh mbouj doxcengz, aeu doxbang doxgap cij baenz!"

"Aeya, caeuq gou gangj dauhleix lo! Gou mizrengz, rox guhhong, gou mbouj baengh sou." Fwngz doq gangj doq gaemxgienz dub roengz gwnz congz bae.

Seizneix da hix gig ndatheiq, naeuz: "Gij vah neix duh mwngz gangj bw!"

"Duh gou gangj, baenzlawz?" Fwngz buek gangj.

Da engq mbouj fug lo, naeuz: "Coenz vah mwngz gangj dingh?"

"Gou gangj dingh." Gij sing fwngz sang gvaq gij sing da.

Daj baezneix hwnj, da ndoj haeuj ndaw naengda bae ninz, bak hix haep youq mbouj gwn mbouj ndoet, fwngz nyinhnaeuz bonjfaenh ndaej ceng hingz, daekeiq fwngfwng bae guhhong.

Hoeng, aenvih mbouj miz da yawj, maz cungj yawj mbouj raen, cijndei luenh gaem luenh bungq, maz cungj guh mbouj baenz, dauqfanj ndaw fwngz deng bungq, in ndaej de saenzrwdrd.

Ngoenz daihngaih, bak rox fwngz caengz bae guhhong, couh cam: "Nuengx fwngz, mwngz ngoenzneix baenzlawz caengz bae guhhong?"

"Hai! Gou daengx ndang unq-ngaeungaeu, gizsieng gig manh, hix mbouj rox youq gyawz, lau guhhong youh deng bungq, baenzlawz bae guhhong ne?" Fwngz dap.

"Ha?" Bak gyaicang geizheih naeuz, "mwngz mbouj dwg naeuz mwngz ndang cungj mizrengz ha? Baenzlawz yaep ndeu doq baenz yienghneix?"

Fwngz cij ngaemgyaeuj mbouj han.

Bak raen seizgei daengz lo, naeuz fwngz: "Baenzneix mwngz rox gij vah nuengx da ngoenzlwenz naeuz luba! Mwngz gag naemjnaemj."

Fwngz simfug lo, gij sing daemqdidid naeuz: "Gou loek lo, mwngz naeuz hawj gou baenzlawz guh

ba?"

"Yienghneix couh yawj mwngz lo."

"Yawj gou?" Fwngz cam, "seiz-neix gou vanzlij ndaej guh maz dem ne?"

Bak naeuz: "Mwngz bae heuh nuengx da okdaeuj gonq, yienghneix mwngz couh yawj ndaej raen lo. Caemhcaiq lumj doenghbaez nei dawz haeux hawj gou gwn, gou ndaej gwn haeux le, mwngz couh mizrengz bae guhhong lo."

Fwngz ciuq gij vah daeggo bak gangj bae guh. Dahraix, fwngz baez bae heuh da, yienznaeuz da mbouj caeuq de gangj vah, hoeng da hai da lo, doiqnaj fwngz mbouj laep-saengsaeng lo, doq bienq ndaej ronghsaksak. Bak ndaej gwn haeux le mbouj geijlai nanz, fwngz hix mbouj rox mbouj nyinh mizrengz lo. Aenvih yawj ndaej raen, de bae ra yw daeuj dwk gizsieng, guhhong hix mbouj aeu yousim bungq deng lo.

Daj baezneix hwnj, bak fwngz da doengzcaez boiqhab guh saeh, caiq hix mbouj doxceng lo.



Dahsau Bouxcuengh Yungzanh Yen mbaet makgaemjgaet.

Cinz Ginhox inz

Bonjlaiz gou laihnaeuz Aulungz-gveiz vunz ndei, haemhlwenz dingq le gij goj de, engq hawj gou doengzcingz caemhcaiq gingqfug de. Seizneix, de gig haeksat fouzcingz, gou hix miz di dwgcaengz de lo, gvaicq mbouj ndaej vunzmbanj cungj gig haemz de, mbwq de, damh de!

Danghnaeuz gou dwg boux vunzchung, mwhneix— aiq hax-baenh, gou gaenq bongh haeujbae vix ndaeng de ndaq de lo. Hojsik gou lij iq, de gaenbonj couh mbouj dawz gou haeuj da, seizneix de cingq simnyap, gou bongh haeujbae mboujdan gangj mbouj ok vah daeuj, dauqfanj deng de ndaq ndaej gyauej haeu, gou vihmaz gag bae ra hoj gwn ne?

Gou nyaenx roengzdaeuj, yaek lizhai gizneix, buet dauqbae lwnh hawj

•Sawcuenhvaez Lwngnyez•

daiq.

"Ahbyauh!" Baihlaeng gou cienz daeuj gij sing hemq lumj byajraez nei, "daengx din!"

Ga gou miz saek mwnh, yaek buet cix buet mbouj ndaej lo.

Geij sing yamqdin naek daj laeng rwz cienz daeuj, laeng gou baez caep, baezneix yaek deng fangz lo, itdingh

Fwen Luzyiz

“六一”歌

□ Veiz Gingfu / 韦竞富

Ndwen roek va'ngaeux hai,
Dujduj raiz cap nyinh.
Biengzbeih gvaenx va mbin,
Duzduz yinz diuqfoux.

Ciet "Luzyiz" gyoengq nyez,
Lwglwg mbe bak ndaeng.
Ndawsim van doxdaengh,
Bouxbox baengh guekcoj.

Gyoengqraez riengz dangj byaij,

Yamqyamq gvaicq youh maenh.
Miz sim vunz gag saenq,
Baenzlawz baenq mbouj doengh.

Gvangsiah gig hunggvangq,
Bouxcuengh angq vuenyungz.
Ngoenzndei rim roenx mbung,
Saenzsien dung mbouj maenh.

Seizneix gwndaenj ndei,
Yienghyiengh ceiq dwghoz.
Gwn raemx mbouj lumz mboq,
Yiengjsouh rox angq aen.

Doegsaw mbouj yungh cienz,
Raeuz aeu lienh bonjsaeh.
Baenz vunz cawh lauxsae,
Bauq guek ndaej saedyienh.

Gij Golwngnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

dwg Aulungzgeiz fatyienh gou caegdingq lo, de cingq hujdengdeng, Simjmehvej deuz lo, de mbouj aeu gou okheiq?

Gou caenh roxnyinh laeng rwz miz saek raq rumz iqet, aiq dwg gaemxgienz he roxnaeuz fajfwngz he hoenx gvaqdaeuj, gou vuengmuengz suk hoz, baez niuj hwet, ndoj fajfwngz

de.

"Mwngz guh maz? Gou youh mbouj dub mwngz."

Aulungzgeiz ndwn youq henz ndang gou, loq nyengh dwk muengh coh gou.

De deng gou loengh ngawh lo.

(caengz sat)